

農候雜占卷三

福州梁章鉅撰

晴雨

春雨乙卯夏糴貴夏雨丁卯秋糴貴秋雨辛卯冬糴貴冬

雨癸卯春糴貴 開元占經引黃帝要經

春雨甲子赤地千里夏雨甲子乘船入市秋雨甲子禾頭

生耳冬雨甲子牛羊凍死 此見朝野僉載其來最古

其占亦最準赤地千里或作麥爛蠶死牛羊凍死或作

雪飛千里 田家五行云赤地或作尺地言行者苦雨

農候雜占三

晴雨

尺地若千里也然則麥爛蠶死亦或作雨占歟 又云

一說夏雨甲子主秋旱四十日蓋取久陰之後必有久

晴諺云半年雨落半年晴亦此理也往年夏月忽值甲

子日雨正以妨農為憂老農曰喜遇雙日是雌甲子雖

雨無妨後果少雨因考歲時雜占注云甲子值隻日多

驗雙日少驗乃知老農之言有稽也迨至秋大收穫

驟雨不終朝迅雷不終日又望雨看天光望雪看天黃

並見月令廣義 按田家五行志引道德經亦云驟雨

不終日故又有快雨快晴之語



雨住午下無數 田家五行志久雨後若午前少住午後
雨必多引諺如此

春壬子雨人無食夏壬子雨牛無食秋壬子雨魚無食冬
壬子雨鳥無食一云壬子雨更須看甲寅日若晴謂之
拘得過則不妨一說壬子雨丁丑晴則陰晴相半二日
俱晴六十日內少雨二日俱雨六十日內多雨 見田
家五行故諺又有春雨壬子秧爛蠶死云云

春丙寅光無水下秧夏丙寅光曬殺秧娘秋丙寅光乾曬
入倉冬丙寅光無雪無霜 此延建間土諺光謂晴明

農候雜占三

晴雨

二

謂丙寅日無雨卽成旱象也

春甲申雨主米貴秋甲申雨稻禾吐茅亦主穀貴 見道
山紀聞

冬雨是麥命春雨是麥病 樂清縣志引諺

甲午旬中無燥土 田家五行引諺 按吳下方言午作

子

甲雨乙拘 同上又云甲日雨乙日晴乙日雨直到庚又
云庚辛自拘寅午不同又云久晴逢戊雨久雨望庚晴
按吳下方言云甲子日雨乙酉晴乙日雨直到庚申

雨打六壬頭低田便罷休 同上又引諺云壬子是哥哥
爭奈甲寅何謂甲寅可望晴也按農田餘話云世俗占
候雨晴惟甲子壬子甲申甲寅四日最可憑

甲申猶自可乙酉怕殺我 田家五行云言申日雨尙庶
幾酉日雨主久雨閩中見四時甲申日雨則富家閉糶
價必踊貴也

初一下雨初二晴初二下雨不得晴 此通行諺或曰初
三雨過月半或曰初二雨上半月皆雨十六日雨下半
月皆雨頗有驗 田家五行亦云朔日晴主月內晴

農候雜占三

晴雨

三

日出早雨日出晏晴 農政全書載老農云言久陰之餘
夜雨連旦正當天明之際雲忽一掃而捲卽日光出所
以言早少刻必雨言晏者日出之後雲晏開也是日必
晴非日出真有早晏也

雲籠日雨不止 見田家五行

開門落雨喫飯晴 此嘉湖俗諺謂春間清晨雨則午刻
必晴也

閉門雨開門晴 田家五行云晏雨難晴俗謂之黃昏雨
引諺云云

十日晴不厭一日雨便厭 同上凡雨喜少惡多

十日雨連連高山也是田 見明詩綜載廣信府田家諺

按辰州田家諺亦云云

大小漏天在雅州西北山谷高沈深晦多雨又黎縣多風

俗謂黎風雅雨 見宋任弁梁益記

日頭暎晝大雨卽到 此福州諺故晝與到叶韻晝謂當

午也久雨之日而當午忽現日光則仍雨也農政全書

云凡久雨至午少止謂之遣在正午時遣或可晴午前

遣則午後雨不可勝 按俗諺亦云日若當晝見三日

農候雜占三

晴雨

四

不見面

占鶴神 田家五行志鶴神己酉日下地東北方乙卯轉

正東庚申轉東南丙寅轉正南辛未轉西南丁丑轉正

西壬午轉西北戊子轉正北癸巳上天在天上之北戊

戌日轉天上之南甲辰轉天上之東己酉復下周而復

始上天下地之日晴主久晴雨主久雨轉方稍輕若大

旱年雖轉方天並不變諺云荒年無六親旱年無鶴神

又吳下方言云風吹鶴神口米長千錢斗後有一條云

纔逢癸巳上天堂己酉還歸東北方乙卯正東纔五日

庚申選上六朝藏離位丙寅坤辛未值丙之日正當疆
壬午乾宮戊子坎對衝其位定相妨今以五行志校之
乃知是論鶴神歌括

亮一丈下一丈 田家五行云久雨雲黑忽然明亮主大

雨至又云病人怕肚脹雨落怕天亮亦謂天亮卽是雨

候俄頃復雨耳來未雨來風來也 景古占雨

夏末秋初一劑雨賽過唐朝百斛珠 見羣芳譜天譜一

說斛作圃

早禾壯宜白撞 見廣東新語凡暴雨忽作雨不避日日

農候雜占三 晴雨 五

不避雨雨點大而疎粵人謂之白撞雨引諺云云

丙丁相鬪拗戊己不同天 此建甯府諺謂丙丁戊己此

兩日晴雨往往不同也 福州亦有庚辛相拗之說

未雨先雷到夜不來未雨先風來也不凶 見古占雨語

以五卯日候西北有雲如羣羊者卽有雨 見師曠占

雨月額千里赤 金樓子余初至荊州時孟秋之月陽亢

日久月旦雖雨俄而便晴有人引諺云云蓋旱徵也

交月無過念七晴 農政全書引諺云云謂此日最宜晴

也又云廿七廿八交月雨初二初三忽肯晴 田家雜

占又云二十五日謂之月交日有雨主久陰

廿五廿六若無雨初三初四莫行船 田家五行云月盡

無雨則來月初必有風雨

久雨不晴且看丙丁 田家五行志引諺

久雨久晴多看換甲 同上

久雨逢庚必晴久晴逢庚必雨 此語到處有之庚取更

變之意往往有驗 或曰久雨逢庚單日晴久晴逢庚

雙日雨以單日屬陽於晴爲近雙日屬陰於雨爲近則

所占愈精矣按田家四時占亦云久雨望庚晴

農候雜占三

晴雨

六

逢庚則變遇甲方晴 范石湖大雨紀事詩或云逢庚變

或云換甲始蓋用此諺 月令廣義又云逢庚隻變遇

甲雙晴

西南陣單過也落三寸 見田家五行志言雲陣起自西

南來者必多雨

每月廿四五間有雨往往成潦連至後月謂之騎月雨

見陸放翁詩自注

太婆年八十八弗曾見東南陣頭發 見田家五行志言

雲起自東南無雨又云千歲老人不曾見東南陣頭雨

沒了田

下旬雨不肯止 談苑云九江人最畏下旬雨引諺云云

陰天下晴 諺云朝要看頂穿暮要四腳懸又云朝看東

南晚看西北又云西北赤好曬麥 並見田家五行

戊午己未甲子齊便將七日定天機七日有雨兩月泥七

日無雨兩月灰 見楊慎古今諺

甲寅乙卯晴四十五日放光明甲寅乙卯雨四十五日看

泥水 同上

壬辰裝擔子癸巳上天堂甲午乙未雨茫茫 同上

農候雜占三

晴雨

七

執破無雨危成當災 同上

神農治天下欲雨則至五日爲行雨旬日爲穀雨旬五日

爲時雨萬物咸利故謂之神 見尸子

漢書董仲舒止雨閉諸陰門縱諸陽門

管子云如天雨然澤下尺生上尺注澤從土降潤有一尺

則苗從下生上引一尺

陰占

元旦晴主人安國泰歲豐寇息若三日無風雨而陰和不見日色一歲大美 見田家五行

正旦微陰主大熟 見羣芳譜

開歲微陰不雨法當有年 見陸游詩註

立春陰東風吉人民安果穀盛 見耀仙神隱

自正月一日至八日爲雞狗猪羊牛馬人穀其日晴所主之物育陰則災 見東方朔占歲書 按占歲書莫知

由來其說已見于論衡物勢篇及北史魏收傳遼史以

農候雜占三

陰

八

五日爲馬六日爲牛微異

雨水後陰多主少水高下田均大熟諺云正月陰坑好種

田 見臺笠須知謝眺詩連陰盛農節臺笠聚東菑

三月三日陰不見日主蠶大吉 見月令廣義

蘇州府志云四月十六日晴則旱雨則水惟陰雲爲佳

重午只喜薄陰但欲曬得蓬艾主豐 見四時雜占

熟不熟但看五月廿五六 見月令廣義又引諺云二十

五六陰沈沈穀子壓田塍按據羣芳譜五月二十六諺

云則此日陰沈沈穀子壓田塍專指二十六一日也

秋分要微雨或陰天最妙 見月令廣義

田家五行云雙日白露有雨不損苗惟單日白露雨則損苗如連陰則不爲害此日名天收

十月初一陰柴炭貴如金 玉芝堂談薈引諺

冬至西南風主久陰 見田家五行

十二月上旬酉日雨主冬春連陰兩月 見月令廣義

天將陰鳴鳩逐婦啼中林鳩婦怒啼無好音此土語也按梅堯臣詩天欲陰鵲鳩怒鳴鳩出又云楚人因此卜陰晴陰逐晴呼無定聲

農候雜占三

陰

九

土日多晴水日多陰 七修類稿引諺語而釋之曰土日其實得二數則地二已生火至水日其實得五數則天五已生土矣故土日多晴水日多陰

急脫急著勝如服藥 粵述晁錯曰粵地多陰少陽李待

制曰南方地卑而土薄故陽氣常泄陰氣常盛陽氣泄

故四時常花三冬不雪一歲之蒸熱過甚人居其間氣

多上壅膚多汗出腠理不密蓋陽不反本而然陰氣盛

故晨昏多霧春秋雨淫一歲之間蒸溼過半盛夏連雨

卽復淒寒人易中溼肢體重倦多腳氣等疾蓋陰常盛

而然陰陽之氣偏而相搏一日之內氣候屢變故諺云
云

農候雜占三

陰

十

日占

大司徒以土圭之法測土深正日景以求地中日南則景短多暑日北則影長多寒日東則景夕多風日西則景朝多陰 見周禮

日暈主雨 農政全書引諺 按田家五行云凡正月丙丁日暈主旱戊己日主水庚辛日主兵壬癸日主江河決四月占同

日暈黃主風雨時農田治 同上

南耳晴北耳雨日生雙耳斷風截雨 同上日生耳主晴

農候雜占三

日

十一

雨引諺云云又云若耳長而下垂通地則又名曰日幢主久晴

日沒臙脂紅無雨也有風 同上日沒返照主晴俗名爲

日返鳴又云日返鳴明朝水沒路日打洞明朝曬背痛

或問二候相似而所主不同何也老農云返照在日沒之前臙脂紅在日沒之後 按山海經注云日西入則

景反東照故曰反景楊雄賦所謂倒景也尙書宅西曰

昧谷寅餞納日屬之仲秋蓋倒景反照在秋爲多其變

千狀有作胭脂紅者故諺云云

日頭楚雲障曬殺老和尚 田家五行志日自雲障起主晴引諺云云

烏雲接日明朝不如今日 同上引諺云云又云日落雲沒不雨定寒又云日落雲裏走雨在夜半後以上皆主雨此言一朵烏雲漸起而日正落其中者 按陸放翁詩頗憂晴夜雲吞日猶幸今朝雨壓風自注俗以黑雲接落日爲風雨之候

日落烏雲半夜楞明朝曬得背皮焦 同上言半天原有黑雲日落雲外其雲必開散明日必甚晴也

農候雜占三

日

十一

今夜日沒黑雲洞明朝曬得背皮痛 見田家五行亦云日沒後返照曬得貓兒叫

日出早雨淋腦日出晏曬殺雁 同上引諺亦見鶴林玉露 按羣芳譜引范石湖占雨詩注作曬殺南來雁

日初升有黑雲在上下如飛鳥花瓣狀本日申未時有雨見測海錄

日出生紅雲日沒黑雲接有大風雨 同上

早間日珥狂風卽起申後日珥明日有雨午前日暈風起北方午後日暈風勢愈狂早白暮赤飛沙走石日沒暗

月占

月離於畢俾滂沱矣 見詩經又春秋緯引古語月麗於

畢雨滂沱月麗於箕風揚沙

月暈主風 農政全書引諺云何方有缺卽此方風來

玉歷璇璣云凡孟月七日仲月八日季月九日之夜月

暈不已三日內有暴風甚雨 田家五行云大風將至

月暈重圓

月赤天將旱 同上又云月色鮮紅明日雷雨青色亦同

初三月下橫雲初四日裏雨傾盆 同上云新月下有

農候雜占三

月

南

黑雲橫截名曰繳雲不出三日有暴雨又云雲如人頭

在月旁白風黑雨

月仰船雨綿綿月挂弓晝夜雨 見樂清縣志

月暈上難盪漿月暈落好扞箔 同上

月如鉤米價貴月如衡米價平 見天文秘苑

月如彎弓少雨多風月如仰瓦不求自下 見江鄰幾雜

志又羅大經鶴林玉露王達蠡海錄皆引此諺

月偃偃水漾漾月子側水無滴 見玉芝堂談薈

月光生毛大水推濠 此湘邵間農諺

月照後壁人食狗食 田家五行云新月落北主年荒米
貴引諺云云

月終歲無暈則天下偃兵 同上

月兒仰水漸長月兒昃水無滴 七條類稿引此而釋之

日月有九行青白黑赤各二道皆出入於黃道之中不
中而過南則爲陽道不中而過北則爲陰道行陽道旱
行陰道水月借日爲光月生時如仰瓦是行陰道矣如
弓絃昃樣是行陽道矣故知旱潦者以此

月上早好收稻月上遲秋雨徐 按謂六月十六日之月

農候雜占三

月

圭

亦見羣芳譜

月珥且戴不出百日主有大喜 見荊州占

月有圓光大如車輪者來日大風或三日後應之 見陶

朱公書

星占

星光閃爍不定主來日風星明滅不動主雨夏月星密主來日熱 見田家五行

凡星自東流向西來日有雨自北流向東連日雨不斷自北流向南來日陰而無雨自西流向東二日內有風自西流向北來日風雨交作自南流向東主旱自北流向西主水自東流向北主霧自東流向南主火自西流向南水旱灾傷并自南流向西秋霜冬雪自東流向北七日內報盜賊 同上

農候雜占三

星

六

孝經援神契歲星守星年豐又晉書天文志太白在南歲星在北名曰牝牡年穀大熟

二月昏參星夕杏花盛桑葉赤 見四民月令 按一作桑葉白又按學津討源本齊民要術桑作椹

春秋元命苞咸池主五穀其星五者各以其職以精委其地也

太乙一星乃天使之神主使十六神知風雨水旱兵革饑饉疾疫明而有光則吉暗則凶 見星經

八穀八星在垣外華蓋之西主歲豐凶土官也一主稻二

黍三大麥四小麥五大豆六小豆七粟八麻子明則八
穀成暗則不熟 同上

天田二星在角之北主畿內之田火守之則旱水守之則

潦 同上

箕四星狀如簸箕明大而直則五穀熟箕口歛則雨開則
風箕以簸揚調弄為象又為播揚五穀之器詩曰維南
有箕不可以簸揚 同上又按荊州星占箕星一名卷

舌動則大風至

杵三星在箕南主杵臼之用縱主豐橫主饑糠星在箕口

農候雜占三

星

七

前主簸揚糠粃明潤則豐熟不見人相食 同上

農丈人一星在南斗西南主稼穡明則天下大稔 按天

元歷理農坐箕東繞箕偃仰東熟西饑南旱北水此星

當入箕度 同上

九坎九星在天田南主溝渠水旱所以導達泉流星小而

明則吉 同上

羅堰三星在牛東南亦為拒馬主隄塘壅蓄水潦灌溉田

苗明大則有水災黃河驟決 同上

內杵三星在人星東旁主春糧儲正直與臼星相當則吉

否則凶荒杵下四星爲白覆則大饑 同上

天倉六星在婁南倉穀所藏也明大而戶開中多小星則豐稔多積聚其東南 四星曰天庾主露積場圃之所

也 同上

胃三星鼎足河之次又名大梁天中府天庫密宮金星也爲天之廚藏五穀之倉明則五穀豐稔天下和平 同止 按天官書胃爲天倉又天皇會通云胃主五穀之

天府

四瀆四星在井南江淮河濟之精也明大動搖則水泛濫

農候雜占三

星

太

同上

天罇三星在井東北主盛饘粥積薪一星在積水東備庖

廚之用與積水相去五尺以內則禾茂年豐若相去一

丈以外則凶荒 同上

陶朱公書曰金水二星初出初入之日多主風雨蓋月犯

畢星分野必雨也又云月離箕宿則風月離畢宿則雨

所謂箕畢好風雨也

入於箕畢宿則風雨也 同上

斗占

夜占北斗若有雲氣蒼潤如魚龍鱗狀主當日大雨又北斗前方四星名魁有黑雲掩於斗口主當夜雨北斗後斜三星名杓第七星曰天罡星前黃氣明潤主來日雨 見陶朱公書

黃昏時看北斗上雲氣之有無如烏雲徧掩北斗主三日有雨斗閒或一二星被雲遮蔽主五日內有雨如斗中黑雲低而廣厚主當時有雨又云斗中有赤雲氣主旱 諺云赤雲蔽斗明日大熱如黃雲昏黑蔽斗亦主多風

農候雜占三

斗

七

之象 見同上

白雲遮北斗明日天變應未申時斗下有白雲氣皓色如水明日大風斗上下有雲如飛絮止有大風斗中有雲如魚鱗明日變風雲斗下黑雲湧上者當夜風雨至如斗口有紫色黑氣三日後有雷雨青色應木日赤色應火日黃色應土日白色應金日黑色應水日雲氣與霞彩亦同驗斗下有電閃過斗及斗口者當夜有雨若閃不過斗應在明日黃雲貫斗亦主來日大雨白雲氣不過三日內黑雲貫斗即日風雨最驗 見同上

河漢占

星者元氣之英水之精氣上浮宛轉隨流名曰天河又名雲漢銀漢天漢天津絳河明河更曰長河曰秋河眾星出焉 見楊泉物理論

天河從北極分爲兩條至於南極其一經南斗中過其一經東斗中過兩河夾天轉入地中過而下水相得又與海水合三水相蕩而天運之故激湧而成潮 見抱朴子 按此可與潮占條參看

爾雅析木謂之津箕斗之間漢津也注云箕龍尾斗南斗農候雜占三

河漢

三

天漢之津梁也

七夕天河去探米價回快米賤回遲米貴 見紀歷撮要

去回謂隱見也 按七月七夕視天河顯晦卜價之豐

歉蓋老農有驗之占云故諺又云日暈長江水月暈草

頭空又按丹鉛總錄卷二十一詩話類予舊日秋成詩

水草頭占月暈米價問天河卽用此諺語

王者有道則河繩直 見緯書

天河東西漿洗寒衣 見玉芝堂談薈

河射角堪夜作犁屋沒水生骨 見四民月令 按田家

五行志引諺云河東西好使犁河射角可夜作上句謂田家二月二上工也

天河中有黑雲生謂之河作堰又謂之黑豬渡河黑雲對起一路相接亘天謂之天女作橋橋下濶又謂之合羅陣皆主大雨立至少頃必作滿天陣名通界雨言廣濶普徧也 見農政全書 按太平御覽引黃子發相雨詩天河中有雲如浴豬豨三日大雨蕭立等謂之黑豬渡河

熒惑火星也火星守天河及天河中星象稀少皆主旱辰農候雜上三

河漢

三

星水星也漢泊卽天河乃天之餘氣也水星守天河及天河中星象煩多皆主雨 見陶朱公書

風占

春己卯風樹頭空夏己卯風禾頭空秋己卯風水裏空冬己卯風欄裏空 此通行諺田家五行則單言乙卯風樹頭空乙字或是己字之誤

一場春風對一場秋雨 田家五行云春風多秋雨必多引諺云云

凡風單日起者單日止雙日起者雙日止 見田家五行西南轉西北搓繩來絆屋 同上引諺云云又云惡風盡日没又云日出三竿不急便寬大凡風至日出之時必

農候雜占三

風

三

略靜謂之風讓日并言隆冬之風

行得春風有夏雨 同上引諺云云言有夏時應雨可種田也非謂水必大又按後山叢談爲春之風數爲夏之雨數小大緩急亦如之

風急雨落人急客作 同上引諺云云又諺云東風急備蓑笠言必雨也

春風踏腳報 同上引經驗諺云云言易轉方如人傳報不停腳也一云旣吹一日南風必還一日北風報答也二說俱應

西南早到晏弗動草 同上言早有此風而晚必靜引諺云云

東北風雨太公 同上引諺云云言良方風雨卒難得晴俗名曰牛筋風雨指丑位故也

南風尾北風頭 同上言南風愈吹愈急北風初起便大引諺云云

颶母 同上船家名曰破篷挂蓋言見此物則篷必爲風所破 按國史補云南海人言海風四面而至名曰颶風颶風將至則多虹蜺名曰颶母然三五十年始一見

農候雜占三

風

三

船棹風 田家五行云吳中梅雨過風彌日海人謂之船棹風是日船棹初回云此風與海棹俱至諺云白棹風雲起早魃精空歡喜仰面看青天頭巾落在麻圻裏一說白棹作船棹無精字

五月有落梅風江淮以爲信風 見風俗通

六月秋極早收七月秋慢慢收 樂清縣志云此言秋早則多颶風也

六月西南天皎潔十二月西南天落雪 同上

礮車雲起舟人急避又云雲似礮車形沒雨定有風 田

家五行云此風候也按雲起下散四野滿目如烟如霧
名風花主大風立至故諺云云蘇詩云今日江頭天色
惡砲車雲起風暴作又按李國史補云暴風之後有礮
車雲

夏至前芒種後西南風急名曰哭雨風主雨立至
家五行

西風吹過午三日內有火此福州諺爲避神風時
甯下甲申雨莫發乙酉風雨下猶自可風吹餓殺我
清縣志云冬月最忌乙酉風

農候雜占三
風
雷

粵中瀕海多風正二三四月發者爲颶五六月發
者爲颶颶甚於颶而颶急於颶習海道者設爲占候之
法或按節序或辨雲物正月初四日爲接神颶初九日
爲玉皇颶此日驗則一年皆驗十三日爲關王颶二十九日爲烏

狗颶二月初四日爲白鬚颶三月初三日爲元帝颶十
五日爲真人颶二十三日爲媽祖颶即天后誕辰也凡人颶多風媽祖

颶多雨 四月初八日爲佛子颶五月初五日爲屈原颶十
三日又爲關王颶六月十三日爲彭祖颶十八日爲彭

祖婆颶二十四日爲洗炊籠颶自十二日至二十七七月

十五日爲鬼颶八月初五日爲大颶旬九月九日九降
自初一日起至十八日止往往風迅發不常十月初一日亦爲大颶旬十八

日爲彌陀颶十二月二十四日爲送神颶舟行大洋颶
可支颶不可支蓋颶散而颶聚也大約三月九月均多
風故諺云三月三九月九無事莫到江邊走

正月初至八行船去還泊十三至十七觀燈雨最急二

月二與九元武風必有三月三日晴還要過清明

五月端午前風高雨亦連七月降黃姑望後風始和

重陽前後三四日忌九廟風又曰九降風凡颶風多

農候雜占三

風

三

挾雨九降風恆不雨而風春暴畏始冬暴畏終南風
多間北風少斷以上俱見測海錄

冬南夏北有風必雨田家五行志夏天北風主雨冬天

南風主雪諺云云

朝三暮七晝不過一廣東風土記云南中五六月多風

迄七日止朝發或三日止暮發或七日止晝發不過一

日耳大害農穡按南越志南海熙安間多颶風颶者

具西方之風也或曰懼風怖懼也將發則兆以斷虹時

爲颶母初則自東而北而西而南乃止未止時三日鷄

犬爲之不甯甚至林宇悉拔覆舟殺稼

暴風不終日 田家五行志云凡風終日至晚必稍息

南風之時兮可以阜吾民之財兮 松窗夢語卷二蒲州

爲古蒲坂卽虞帝都鹽池所產爲形鹽又曰解鹽不俟

人工煎煮惟夜有南風卽水面如冰實天地自然之利

立大舜撫絃歌風以阜民財正指此也

春分明庶風至正封疆修田疇立秋涼風至報土功祀四

鄉 見易卦通驗

南中六月有東南長風俗號黃雀風時海魚變爲黃雀因

農候雜占三

風

三

以名也 見風土記

河朔春時疾風數日一作三日乃止名吹花擘柳風 見

韻齋

立秋坤卦用事晡時西南涼風至黃雲如羣羊宜粟穀

見占候圖

陶朱公書云伏裏西北風主秋稻旱冬冰堅諺云伏多西

北風到臘船弗通

青龍風急大雨將來朱雀風回烈日晴燥白虎風至必有

雨霧元武風生雨水相尋 按寅卯時爲青龍巳午時

爲朱雀申酉時爲白虎亥子時爲玄武隨時起風應於
雨晴 見同上

農候雜占三

風

毛



雲占

雲行東雨無蹤車馬通雲行西馬濺泥水沒犁雲行南雨
潺潺水漲潭雲行北雨便足好曬穀 農政全書引該
云云亦見四民月令 按中州方言亦云雲朝東一場
空雲朝西觀音老母披蓑衣雲朝南水潭潭雲朝北乾
硯墨 見鐵槎山房見聞錄又孔平仲談苑引占諺云
雲向南雨潭潭雲向北老鶴尋河哭雲向西雨沒犁雲
向東塵埃沒老翁

雲往東一場空雲往西馬濺泥雲往北好曬麥 見楊慎

農候雜占三

雲

天

升庵經說 按易曰密雲不雨自我西郊天地之氣東
北陽也西南陰也雲起東北陽倡陰必和故雨雲起西
南陰倡陽不和故不雨引諺云云是其驗也

京東一講僧云雲向南與西行則有雨向北與東行則無
雨每試之絕有效驗

雲走邵陽曬破腦漿雲走安化衝爛新壩 此湘邵間農

謠見沅湘耆舊集

旱年只怕沿江跳水年只怕北江紅 農政全書北江紅
一作太湖晴上句言亢旱之年望雨如望恩纔見四方

遠處雲生陣起或自東引而西自西引而東所謂沿江跳也則此雨非但今日不至必每日如之卽是久旱之兆也澇年每至晚時雨忽至雲稍浮北似霞非霞紅光耀日雨必隨作當壬夜夜如此直至大暑而後已謂之北江紅此吳語也故指北江爲太湖

魚鱗天不雨也風顛 同上此言雲細細如魚鱗斑者一云老鯉斑雲障曬殺老和尚此言滿天雲大片如鱗故云老鯉往往試驗各有準又云冬天近晚忽有老鯉斑雲起漸合成濃陰者必有雨名曰護霜天

農候雜占三

雲

无

黃雲覆車五穀大熟 見東方朔別傳

日旁雲氣青爲蟲白爲兵赤爲旱黑爲水黃爲豐 此事

類賦載周禮保章氏以五色雲物辨吉凶之祲象又按易通卦驗云冬至日見雲迎送從其鄉來歲美人和又春秋感精符云南至有雲迎日者來歲大美

五卯日候西北有雲如羣羊者雨至矣 見師曠占按京

房易飛候凡候雨有黑雲如羣羊奔如飛鳥五日必雨

飾羅天海湖雲 謝華啟秀卷一風花下注云雲如斑駁

形舟人謂之風花見濟北集諺云

京房易飛候曰有蒼雲細如杼軸蔽日月五日必雨

山雲蒸柱礎潤 見淮南子

四方有濯魚雲疾者立雨遲者雨少難至江漢雲疾駛者
卽日雨 見黃子發相雨書

早看日出處有黑雲積土之狀主雨晚看日入處有黑雲
氣狀如累孟疊疊而起主雨又云晨旦雲掩日當日主
大雨 見陶朱公書

張仲才文始真經云五雲之變可以卜當年之豐歉

旱雲烟火雨雲水波 見呂氏春秋

農候雜占三

雲

辛

霧占

春霧花香夏霧熱秋霧涼風冬霧雪 此杭紹間諺花香謂晴也

大霧三日必有甚雨雨未降不可冒行也 此事類賦引

帝王世紀語 按測海錄云霧三日濃必起狂風

江淮人以立春連三日看湖中霧氣高尺寸則水亦至其處如無霧必旱又以一九日占霧定四月之水二九日占五月三九日占六月四九日占七月五九日占八月以霧高之尺寸定水之有無及大小極驗 見月令廣

農候雜占三

霧

三

義

霧淞重霧淞窮漢置飯甕 曾子固齊州冬夜詩自注引

諺云云以爲豐年之兆 按東坡除夜大雪詩施注引

農諺作霜淞打霧淞窮漢備飯甕又見墨莊漫錄引齊

魯人諺語冬月寒甚夜氣塞空如霧著於林木凝結如

人珠玉旦起視之乃薄雪也見睨乃消謂之霧淞升菴詩

話作霜淞打雪淞堦戶錄雪作霜

一場冬霧一場春雪 此吳中諺

霧溝晴霧山雨 蜀語山頂霧曰山戴帽引諺如此凡霧

在山顛必雨按王充論衡云雲霧雨之徵也

十月沫露塘濫十一月沫露塘乾 田家五行云十月有

霧俗呼爲沫霧主來年水大相去百有五日水至老農

咸謂極驗或云霧著水面則輕離水面則重

丹山天晴時忽有霧起迴轉如烟不過再朝雨必降 見

宜都山川記

五月有霧主水諺云五月有迷霧行舟不問路 見陶朱

公書

六月有霧主旱諺云六月有迷霧要雨直到白露 見同

農候雜占三

霧

三

上按兩月相連所占不同如此

十一月有霧主來年旱月令云仲冬行夏令大旱 見同

上

臘月有霧露無水做酒醋 農政全書云酉日尤準主旱

引諺云云

霞占

早霞紅丟丟晌午雨瀏瀏晚了紅丟丟早晨大日頭 見

明楊慎古今諺

早霞暮雨晚霞晴 此通行諺孔氏談苑云京東人言朝

霞不出門暮霞行千里言雨後朝晴尙有雨須得晚晴

乃真晴也 按范石湖詩亦載吳諺云朝霞不出市暮

霞行千里又沅湘農諺亦云朝霞雨漣漣晚霞火燒天

按又云朝霞於雨後乍有則定雨無疑或本晴天隔夜

雖無今朝忽有則斷之顏色倘間有褐色仍主雨滿天

農候雜占三

霞

三

謂之霞得過主晴霞不過主雨若西北有雲雨當立至

故京師諺云火燒雲者晴雲燒火者雨

朝霞暮霞無水煎茶 農政全書言此久晴之霞主旱又

云暮霞若有火焰形而乾紅者非但主晴必主久旱之

兆 按朝霞晴作雨 見李嘉祐詩報雨早霞生 見

耿湣詩落日燒霧明農夫知雨止 見儲光羲詩

侵早火雲不過中晚來火雲一場空 此吳中諺亦謂朝

霞則雨暮霞則晴也

元日日出時有紅霞主絲貴 見陶朱公書

虹霓占

蟠螭在東 見詩經謂虹霓也

朝濟於西崇朝其雨 見詩經多驗

虹霓者天之忌也又曰虹霓不出賊星不行 見淮南子

豆盧署曰夫虹霓天使也降於邪則爲沴降於正則爲祥

見祥驗集

東嶽晴西嶽雨 農政全書云虹俗呼爲鬘引諺云云又

諺云對日鬘不到晝主雨言西嶽也若鬘下便雨則還

主晴

農候雜占三

虹霓

雷

雨久而晚見于東則晴晴久而早見于西則雨 見詩經

注又鄭元注日旁氣白者爲虹青赤者爲霓

虹霓紛錯陰陽之沴也 見宋務光論

東霓日頭西霓雨 同上引諺云云又諺云南霓刀鎗北

霓灾殃

霓者斗之亂精也斗失度則虹霓見 見春秋孔演圖

東扛日頭西扛雨 見傳家寶扛謂虹也 田家五行亦

云虹挂東一場空虹挂西雨瀰瀰

虹食雨主晴雨食虹主雨 見田家五行云萬歷壬寅六

月望日雨後偶出郊外忽東南巒出旋爲雲蔽亟歸來
抵舍大雨如注且連雨數日

虹下兩垂清明可期斷虹早挂有風不怕 見測海錄

虹雙出色鮮盛者爲雄雄曰虹闇者爲雌雌曰霓 見爾

雅注 按霓亦作蜺常依陰雲而晝見于日旁無雲不

見大陰亦不見率以日西見於東方四時常有之惟雄

虹見藏有時

蔡邕曰陰陽不和則見爲虹虹有青赤之色輒與日相互

朝陽射之則在西夕陽射之則在東大率又與霞相映

農候雜占三

虹霓

三

莊子曰陽炙陰成虹禮疏云日照雨滴則虹生蓋雲心

漏日日腳射雲故虹明耀異常詩謂之蜺蝀其字從虫

俗謂之蜺其字從魚又謂之旱龍依其形質而名之也

五月二十九日有黑氣墮溫德殿東黑如車蓋騰起奮迅

五色有頭體長十餘丈形完似龍占者以虹蜺對 見

蔡邕奏議

正月至八月凡有虹見主米麥貴 見陶朱公書

蜺蝀出自東無雨必生風 同上

雷占

凡雷初發聲微和者歲內吉猛烈者凶 見農政全書

當頭雷無雨卯前雷有雨 同上引諺云云吾閩有上晝

雷下晝雨下晝雷三日雨之諺與卯前雷有雨占同

未雨先雷船去步回 同上引諺云云主無雨 又見四

民月令 按凡雷聲響烈者雨陣雖大而易過雷聲殷

殷然響者卒不晴

未雨轟轟屏車莫停 徐禎稷恥言引諺如此喻成事者

後言也

農候雜占三

雷

美

雷聲浩大雨點全無 見五燈會元錄鼓山永安師語云

今俗諺雷聲大雨點小本此

驚蟄前動雷一月斷火灰 見樂清縣志 按福州諺亦

云驚蟄未至雷先起四十九日雨不止

春雷始發其聲拍拍格格歷歷者雄雷也旱氣也其聲音

音依依大不震者雌雷也水氣也 見月令廣義又見

師曠經

秋字曉損萬斛 見范成大秋雷歎詩注

雷初發在北方歲吉 同上引懼仙占

談苑

正月一日雷則七月有霜三月一日雷則八月有霜

雷發於春分前後一日主歲稔見羣芳譜來主人

春甲子雷五穀豐登田家五行云發雷喜甲子日主歲

熟秋雷忌甲子日主歲凶

八月一聲雷遍地都是賊田家五行云八月內不宜雷

引諺云按賊字叶作平聲當是北方之諺

雷從金門起上旬者田熟見師曠占

九月雷主穀貴見戎事類占

農侯雜占三 雷 三

雷鳴雪裏主陰雨百日不止見農政全書

梅雨雷低田拆舍回月令廣義云言低田遇巨浸屋舍

無用也大抵芒種後半月不宜雷謂之禁雷天故諺云

云田家五行云或言雷聲多及震響反早往往有驗

雷時不蓋醬俗言令人腹中雷鳴見風俗通

積風成雷見物理論

驚蟄前後有雷謂之發蟄雷聲初起從乾方來主人民災

坎方來主水艮方來主米賤震方來主歲稔巽坤方來

主蝗離方來主旱兌方來主五金長價一云未蟄先雷

電占

電激氣也以爲鞭策 見淮南子

天笑 神異經注云笑着天口流火照灼今天不下雨而
有電光是天笑也

南閃半年北閃眼前 楊慎補占陰晴諺詩電光分南北
陰霽在俄晷自注引此二句半或作千言北閃必有大
風雨也

電光東南明日炎炎電光西北雨下連宿 見廣輿記

按杭州諺亦有南閃火門開北閃雨就來之語

農候雜占三

電

彙

電北來則南風起南風來則雨 見測海錄

寒露前後有雷電主來年有水 見陶朱公書

電收麥 酉陽雜俎云介休百姓夜止晉祠宇下有人叩
門云介休王暫借霹靂車收麥遂見數人共持一物如
幢授之扛上環綴旗旛十八葉每葉有電光起百姓遍
報鄰村及午注雨如綆風雷震電凡損麥千餘頃

霜占

露凝爲霜 見蔡邕月令又按國語駟見而實霜實霜而

冬裘具注云駟房星也

每年初下只一朝謂之孤霜主來年歉連得兩日以上主

熟上有鋒芒者吉平者凶 見農政全書

春霜不出三日雨 此福州諺

穀雨前一兩朝霜主旱 見月令廣義

冬前霜多主來年旱冬後霜多主晚年好 見農政全書

春宜連霜 見樂清縣志又云冬忌單日霜曰孤霜連夕

農候雜占三

霜

罕

則愈佳

秋霜白露下桑葉鬱爲黃 見古豔歌

布穀鳴小蒜成秋霜熟藁臺足 見田家歲時占引諺

霜降而婦功成 見家語

卷簾莊秋冬不下霜 明詩綜諸城縣漢王山西南五里

有卷簾莊雖嚴冬無霜降里諺云云

逸周書霜降之日豺乃祭獸又古今詩話北方白雁來則

霜降謂之霜信

霜始降則百工休 見禮記月令

齊民要術云凡麥稔於十月十一月十二月凍樹日種之
萬不失一注凍樹者凝霜封著木條也又云天雨新晴
北風寒切是夜必霜

二月三月有霜主大旱 見陶朱公書

農候雜占三

霜

望

露占

立秋白露下 易通卦驗

露陰陽之氣也陰氣盛則凝爲霜雪陽氣盛則散爲雨露

見大戴禮

觸露不指葵日中不剪韭 齊民要術卷三種葵篇凡指
葵必待露解故諺云云

桓帝永康元年秋八月魏郡言嘉禾生甘露降 見後漢
書

東方朔游吉雲之地漢武問之曰其國以雲氣占吉凶苦

農候雜占三

露

聖

樂之事吉則滿室雲氣五色照人著於草木皆成五色
露味甘帝曰可得否朔乃東走至夕而還得元精青露
盛之琉璃器以授帝帝遍賜羣臣得嘗者老者皆少病
者皆愈 見洞冥記

春秋佐助期武露布文露沈注甘露降其國布散者人尚
武沈重者人尙文

周處風土記白鶴性警至八月露降流於草葉上滴滴有
聲則鳴又春秋元命苞云霜以殺木露以潤草又述征
記作五明囊盛取百草頭露洗眼眼明

崑崙山有甘露以瑤器盛之如飴人君有盛德則下 見拾遺記

露為上池水 史記扁鵲傳注上池水謂水未至地蓋承

取露及竹木上水以和藥

天乳星在氏東北主雨露明則甘露降雨澤均 見星經

並列星圖

黍心初生畏天露令兩人對持長索槩去其露日出乃止

見齊民要術

背明國有含露麥穗中有露味甘如飴 見王嘉拾遺記

農候雜占三

露

望

甘露淋漓以霄墜嘉穗阿娜而盈箱 見抱朴子

甘露時雨厥壤可游 見史記司馬相如傳

甘露降和花雪表年 見宋書樂志

並代錄圖

如露及竹木上水以和藥

天乳星在氏東北主雨露明則甘露降雨澤均

黍心初生畏天露令兩人對持長索槩去其露日出乃止

背明國有含露麥穗中有露味甘如飴 見王嘉拾遺記

雪占

農及雪澤 夏小正注澤釋也

要宜麥見三白 朝野僉載引西北人諺云云謂臘月有三番雪也 按農政全書云冬至後第三戌爲臘臘前三番雪謂之臘前三白大宜菜麥 又李壁注王安石雪霽詩亦用此諺又韓琦詩嘗聞老翁語一臘見三白是爲豐年兆占驗勝著策俱本此說

冬無雪麥不結 見種樹書

夾雨夾雪無休無歇 農政全書言雨夾雪難得晴也引

農候雜占三

雪

四

諺云云 按宋詩中亦有夾雪雨難晴之句又按丹鉛總錄天文類霄雪兩字音義各異霄音屑說文雨霓爲霄爾雅雨霓爲霄雪注冰雪雜下曰霄雪說文霰稷雪也詩補傳曰粒雪郭璞爾雅注謂雨雜下也雪初作未成花圓如稷粒撒而下杜詩所云帶雨不成花是也

冬雪年豐春雪無 見石成金傳家寶

臘雪是箇被春雪是箇鬼 此吳中諺 按種樹書云臘

雪宜菜麥若立春後雪則不宜

凡雪日闇不積謂之羞明霽而不消謂之等伴主再有雪

又是來年多水之兆 見田家五行

雪至地三日內卽化者歲成民安七日不消者秋穀不成

同上

正月雪等雪二月雨不歇 見樂清縣志

立春後遇火日雪則後一百二十日有疾風驟雨謂之雪報 見臺笠須知一作立春後遇何日雪則數至一百

二十日後必有風名雪報風

取雪汁漬原蠶屎五六日和穀種之能禦旱故謂雪爲五

穀精也 見汜勝之書 按齊民要術謂雪汁使稼耐

農候雜占三

雪

望

旱冬令以器埋土中治以此則收十倍

董仲舒曰太平之世雪不封條彌毒害而已謝惠連賦云

盈尺則呈瑞於豐年表丈則表沴於陰德

陶朱公書引農書云以雪汁浸種倍收且不生蟲

霰占

暴雪 詩先集維霰傳霰暴雪也箋雪自上遇溫氣而搏
謂之霰又大戴禮云陽之專氣爲霰按釋名霰星也冰
雪相搏如星而散

花雪 大明五年元日花雪降殿庭謝莊下殿花雪集衣
還白上以爲豐瑞於是公卿並作花雪詩史臣案霰爲
花雪草木花多五出花雪獨六出 見宋符瑞志

米雪 埤雅霰閩俗謂之米雪言其霰粒如米卽所謂稷
雪是也今名漚雪亦曰溼雪白居易詩風飄細雪落如

農候雜占三

霰

吳

米

雪前鋒 楊萬里詩雪花遣霰作前鋒執頗張皇欲暗空
篩瓦巧尋疏處漏階誤到暖邊融

雹占

雹凍傷穀 見禮記

後漢書延光二年河西雹如斗安帝問孔季彥對曰此陰

乘陽之徵又西京雜記董江都曰雹陰勝陽也 按左

傳曰聖人在上無雹雖有不爲災

十六國春秋石勒時雹起西河界平地三尺行人鳥獸死

者萬餘樹木摧折禾稼蕩然勒問徐光光曰去年禁寒

食介推帝鄉之神故有此災

韓稜字伯師爲下邳令吏民愛慕鄰縣皆雨雹傷稼稜界

農候雜占三

雹

學

獨無 見東觀漢記

齊有山泉如井深不測春秋時雹從井出敗傷五穀以柴

塞之則止

當雨不雨故反雹下夏雹者爲蝗蟲傷穀 見易緯

曾子曰陽之專氣爲雹氣化蓋沴也唐張鼎禦雹賦當純

陽之用事有伏陰之相蒸

九月雨雹不利牛馬 見文林廣記

劉居中至嵩山見大蜥蜴數百皆長三四尺各飲冰入口

卽吐雹如彈丸積之於側忽震雷一聲彈丸皆失明日

人言昨午電大作於某地乃知蜥蜴所爲

農候雜占三



電

哭



人言昨午電大作於某地乃知蜥蜴所爲

農候雜占卷四

福州梁章鉅撰

男恭辰校刊

穀蔬占

美田之法菘豆爲上胡麻次之 見齊民要術

麥花晝開主水 見農政全書 按北方麥開花在晝南

方麥開花在夜此言南土忽晝麥開花則主水也

銀花賤金花貴 戒菴漫筆言稻花白而瓣少者米賤多

而色黃則米貴

麥過口不入口 靖康元年麥多高於人者旣而大雨損

農候雜占四

穀蔬

其十八鷄肋編引諺云云

農政全書云麥宜肥地有雨佳故諺云無雨莫種麥又云

麥怕胎裏旱又云要喫麩泥裏纏春雨更宜故又云麥

收三月雨若三春有雨入夏時有微風此大有之年也

黃帝始蒸穀爲飯 見周書

南海晉安有九熟稻一歲九登 見抱朴子

正月之朝穀始也日至百日黍稷之始也九月斂實牟麥

之始也 見管子

異恭辰校刊

番禺有茶四葉相對晝開夜合名合歡茶 見盧言雜記

甘藷薯蕷之類生朱崖海中人種食之壽百餘歲可以代穀 見稽含南方草木狀按清異錄云嶺外有玉枕藷

又號三家藷又按吾鄉山邑貧民每以藷切作米代飯罕有以米炊飯者則代穀之說益信

有神曰紫相公主一方蔬菜之屬所隸有天使主豐有辣判官主儉 見清異錄

豆花憎見日見日則黃爛而根焦 齊民要術

種瞿麥法以伏爲時注一名地麩 同上

籬宜白軟良地三轉乃佳 同上

農候雜占四

穀蔬

二

種葱四月始鋤鋤遍乃剪與地平剪欲旦起避熱時良地三剪薄地再剪八月止剪韭如葱法一歲不過五剪 同上

種韭法以升盞合地爲處布子於圍內注韭性內生不向外畏圍種合科成 同上

種椒熟時收取黑子四月初畦種之注黑子一名椒目不用人手數近促則不生也 同上

薺以冬美芥以夏成 見春秋繁露

稻有蓋下白正月種五月穫種其莖根復生九月復熟

見郭義恭廣志

胡麻俗呼芝麻性有八拘謂雨暘時薄收大旱方大熟開
花向下結子向上炒焦壓榨才得生油膏車則滑鑽針
乃澀也 見莊綽雞肋編

凡田燒去野草犁過種芝麻一年使草根腐化再種五穀
諺云荒地種芝麻一年不出草蓋芝麻葉上瀉下雨露
最苦草木沾之必萎凡花果之旁最忌芝麻 見陶朱
公書

薑以通州出者佳宜沙地清明後三日取母薑種之培以

農候雜占四

穀蔬

三

蠶沙壠以灰糞立夏後芽出棚遮烈日秋社採之遲則
漸老成絲小雪前後將種曬乾藏窖內免致凍損諺云
養羊種姜子利相當 同上

草占

黃帝問師曠曰吾欲知歲苦樂善惡可知否對曰歲欲豐
甘草先生甘草薺也歲欲苦苦草先生苦草葶藶也歲
欲惡惡草先生惡草水藻也歲欲旱旱草先生旱草蒺
藜也歲欲疫病草先生病草艾也 見師曠占 按農
政全書云草得氣之先者皆有所驗薺菜先生歲欲甘
葶藶先生歲欲苦藕先生歲欲雨蒺藜先生歲欲旱蓬
先生歲欲惡艾先生歲欲疫孟月占之此與師曠占所
云大同小異

農候雜占四

草

四

冬至後五旬七日莒始生百草之先生者也乃始耕 見

呂氏春秋

茆蕩內春初雨過菌生俗呼爲雷草多則主旱小則主水
見農政全書

草屋久雨菌生其上朝出晴暮出雨諺云朝出曬殺暮出

濯殺 同上

看窠草一名千戈草謂其有刺故也蘆茅之屬叢生於地

夏月暴熱之時忽自枯死主有水 同上

菱草水草也村人嘗剝其小白嘗之以卜水旱甘甜主水

餽氣主旱 同上

取乾艾藏之瓦器麥二石以艾一把閒之順時種之則收

常倍 見齊民要術

南海有草叢生如籐蔓土人視其節以占一歲之風每一

節則一風無節則無風名曰知風草 見郭義恭廣志

頭苧生子沒殺二苧二苧生子早殺三苧 見農政全書

不育五穀沙中生草名登相收之可食 見宋史高昌國

傳

藏麥先宜烈日中曬極乾即將稻草灰鋪缸底帶熟收藏

農候雜占四

草

五

復以草灰蓋之用蒼耳剉碎或和蠶沙入其中可免化

蛾 見陶朱公書

早稻清明前晚稻穀雨後將稻種揀去粒長色紅者河水

浸之瓦器盛之晝浸夜收芽長二三分候晴明天氣抖

鬆撒種蓋以稻草灰 同上

南朝齊草譜坐地熟麥土人謂其節以占一歲之風也

有常倍 見齊民要術

道真文獻之石錄卷之四艾一節問之則知風之

之始於主事

花木占

樹無梅手無杯 見羣芳譜果譜言梅實少稂亦少

梧桐花初生時赤色主旱白色主水 見農政全書

扁豆鳳仙五月開花主水 同上並見花史

杞夏月開結主水 同上

藕花謂之水下花魁開在夏至前主水 同上

野薔薇開在立夏前主水 同上

松栢之地其土不肥 見國語

襄陽山竹結實其米可食 見舊唐書

農候雜占四

花木

六

槐花開一徧糯米價長一徧 同上

夏至前後梓花落時多雨杭俗爲梓花雨翟晴江詩梓花

香散雨淒淒是也 見東苑雜存

凡竹笋透林者多有水 見農政全書

插柳莫教春知 羣芳譜謂正二月皆可栽諺云云謂宜

插在立春之前

黃梅雨未過冬青花未破冬青花已開黃梅水不來 田

家五行云冬青花可占水旱引諺云云月令廣義云梅

雨中冬青花開主旱蓋此花不落溼地故關係水旱也

冬青花不落溼沙四民月令農家諺

夏至日取菊爲灰以止小麥蠹見荆楚歲時記

春分分芍藥到老不開花羣芳譜言芍藥大約三年或

二年一分分花自八月至十二月其津脈在根可移栽

春月不宜以津脈發散在外也故諺云云八而引

木再花夏有雹李再花秋大霜見明楊慎古今諺按

木不知何指惟酉陽雜俎曰杏再花云云

杏花生種百穀見四民月令並梁武帝策文

杏子開花可耕白沙商陸子熟杜鵑不哭見歲時雜占

農侯雜占四

花木

七

又按四民月令曰二月杏花盛可菑白沙輕土之田

杏多實不蟲本年秋熟見師曠占

杏熟當年麥棗熟當年禾後山叢談引諺云云

棗樹三年不算死羣芳譜果譜棗性硬其生晚芽未出

移恐難出如本年芽未出弗遽刪除亦有久而后生者

故諺云云公詩自八月至十一月其樹雖枯其根未絕

諸榆性皆扇地故其下五穀不生見本草大榆五羊茹

榆莢脫桑椹落水見楊慎古今諺良賦蠶蠶詩義云

鞠榮而樹麥時之急也見大戴禮

鋤花要趁黃梅信鋤頭落地長三寸羣芳譜棉譜鋤棉者鋤必七遍以上又當在夏至前諺云云者大抵苗宜稀鋤宜密此要訣也

桃榔樹似柝欄而堅研其木取麵多者至百斛以牛酪食之不饑見中南志

熙甯十年六月己未饒州長山雨木子數畝狀如山芋子味香而辛土人以爲桂子亦曰菩提子是歲大稔見宋五行志

溫陵城留從守重加板築植桐環繞枝葉蔚茂初夏花開農候雜占四花木八

極鮮紅如葉先萌芽而花遲發則是秋五穀豐熟見泉州郡志

孫炎云楓有寄生枝生毛名楓子天旱以泥泥之卽雨貝永嘉大羅山有龍芽竹節稀長四五尺取之必有風雷雨電見彙苑詳註

三月桃花水下師古注桃花方花時卽有雨水川谷冰泮波瀾盛漲故謂之桃花水蓋三月桃花盛農人每候時而種云見崔實月令

吳中無盡菴有樹春槁夏生梅雨過而舒葉旣開則水定

以下水候最準有人辨之知爲望水檀 按二如亭木
譜江南有一木至夏不發葉忽而葉生必有大水農人
候之以占水旱卽此 見簪雲樓雜說
齊民要術云五木者五穀之先欲知五穀但視五木擇其
木盛者來年多種之萬不失一也

農候雜占四

花木

九

土盛者來年之時之雨不夫一出

木盛者來年之雨不夫一出

木盛者來年之雨不夫一出

木盛者來年之雨不夫一出

木盛者來年之雨不夫一出

飛禽占

獨春鳥聲有似春鳴聲多者五穀傷鳴聲少者五穀熟

見臨海異物志

鴉浴風鵲浴雨八哥兒洗浴斷風雨 農政全書引諺云

云又云鵲巢低主水高主旱俗傳鵲意既預知水則云終不使沒殺故意愈低既預知旱則云終不使曬殺故意愈高 又朝野僉載云鵲巢近地其年大水

烏肚白肚風 同上云海燕忽成羣而來主風雨引諺

云云

農候雜占四

禽

十

釋義泰施三山觀水出焉西流注於流沙是多文鯨鯨魚身而鳥翼常遊行東海以夜飛見則天下大穰 見山海經

朝鸞叫晴暮鸞叫雨 本草綱目云山鵲處處有之狀如鵲而烏色有文采赤嘴赤足尾長不能遠飛說文以此謂知來事之鳥

鳴鳩一名鵲鳩卽今布穀也農事方起此鳥飛鳴桑間若云五穀可布種故云布穀 見爾雅注又杜甫詩布穀催春種

鵲鳩陰則屏逐其匹晴則呼之語云天將雨鳩逐婦是也
見稗雅 按本草釋名布穀之名甚多皆因其聲之近
似而呼之如俗呼阿公阿婆割麥插禾脫卻布袴之類
又陳造布穀吟序人以布穀爲催耕其聲曰脫了襪袴
淮農傳其言云郭嫂打婆浙人解云一百八箇皆以意
測之

風翔則風雨舞則雨 師曠禽經注云風禽鳶類越人謂
之風伯飛翔則天大風一足鳥一名商羊一名雨伯天
將雨則飛鳴 按天將大雨商羊鼓儻說苑鼓儻作起

農候雜占四

禽

十一

無

鳩鳴有還聲者謂之呼婦主晴無還聲者謂之逐婦主雨
同上

赤好鴉含水叫早主雨多人辛苦叫晏主晴多人安閒農
作次第 同上

夜間聽九道遙鳥叫可卜風雨諺云一聲風二聲雨三聲
四聲斷風雨 同上

本草鶴仰天鳴號必有雨酉陽雜俎鶴羣飛旋繞必有風
雨埤雅天將雨鶴長鳴而喜蓋知雨者也又按禽經鶴

俯鳴則陰仰鳴則晴又云人探巢取鶴子六十里旱以其能飛激雲雲散雨歇兩說微異

鵓羣飛翅聲重必有雨雪 同上

鬼車鳥北人呼爲九頭蟲夜聽其聲可卜晴雨自北而南謂之出窠主雨自南而北謂之歸窠主晴 同上

朝鷓晴暮鷓雨 同上

夏秋間雨陣將至忽有白鷺飛過雨竟不至名曰截雨

同上

燕能興波祈雨故有游波之號 見本草釋名 按東坡

農候雜占四

禽

十一

物類相感志雷敷云河竭江枯投游波而立泛蓋言河水旱乾投燕於其中立漲也

母雞背負雞雛謂之雞駝兒主雨 見禽經

夏前喫井叫有車個恰喫無車個嘯 同上云喫井水禽

也在夏至前叫主旱引諺云云

關內呼黃鶯爲水鴉兒旱乾時氣如焚柴忽樹頭睨睨數

聲則滂沱立至 見說苑

鷓鴣一名淘河鷓鴣之屬其狀異常每來必主大水 同

上云近至正庚寅五月十八日方梅水漲忽見此怪數

十自西而來眾謂沒田之兆一老農云不妨夏至前來
曰犁湖至後曰犁塗以其嘴之形狀似犁湖言水深塗
言水淺今至後八日此後雨腳斷水退矣後果天晴高
下皆得成熟田家五行同此云至前至後便分禍福兩
端可謂奇驗占候者慎之又本草綱目卷四十七禽部
鵯鵯原註按山海經云沙水多犁鵯其名自呼後人轉
爲鵯鵯耳吳諺云至前來曰犁鵯主水至後來曰犁塗
主旱其占同

鵯巢知風之所在歲多風則巢於下枝 見淮南子又云

農候雜占四

禽

三

鵯巢口背何方則何方風大頗驗

乾祐五年鵯鵯食蝗乃禁捕鵯鵯 見五代史

黃鵯口噤蕎麥斗金 後山叢談引諺言夏中候黃鵯不

鳴則蕎麥可廣種

農人置雉尾於田中天將晴則尾直豎將雨則尾下垂

見中和集

上虞有鴈爲民治田春則銜拔草根秋則啄去其穢是以
縣官禁民不得害此鳥犯則有刑無赦 見十三洲記

黃鳥黃鵯也或謂之黃栗留自關而東謂之倉庚又謂商

庚自關而西謂之鸚黃或謂楚雀齊人謂之搏黍當椹
熟時常鳴桑樹間蓋應節趨時之鳥性嗜雙飛故里語
云黃栗留看我麥黃椹熟否

春扈趣耕夏扈耘 見左傳 按崔實政論夏扈趣耘鋤
卽竊脂鳥亦名播穀

高興縣多容鳥其形似雞而具五彩見則年豐 見南越
志

長安城西雙員闕上有一雙銅雀一鳴五穀生再鳴五穀
熟 見魏文帝歌一云銅雀鳥名鳴則五穀熟

農候雜占四

禽

酉

輅過清河倪太守時大旱輅言樹上已有少女微風樹間
又有陰鳥和鳴雨應至矣果如所言 見魏志管輅傳
焚鷄羽於空中能致風 見淮南畢萬術

炎帝時有丹雀銜九穗禾帝拾其墜地者植於田食者老
而不死 見王嘉拾遺記

走獸占

欽山有獸狀如豕而有牙名曰當康其名自叫見則天下

大穰 見山海經

元日牛俱卧則苗難立卧半起則歲中平俱立則五穀熟

見田家五行

田畔園塍上有野鼠爬沙主大水至必到所爬處方止

見農政全書

鼠咬麥苗主不見收咬稻苗亦然 同上又云倒在根下

主龔下米貴銜在洞口主囤頭米貴

農候雜占四

獸

主

狗爬地主陰雨或眠灰堆高處亦主雨又狗咬青草吃則

主晴又狗向吃水主水退 同上又云狗不

鐵鼠其臭可惡白日銜尾成行而出主雨 同上

貓兒吃青草主雨 同上

絲毛狗褪毛不盡主梅水未止 同上

猪來貧狗來富貓來開質庫 田家五行志凡六畜自來

以占吉凶引諺云云

犬生獨家富足 同上言犬生一子其家興旺引諺云云

麋十百為羣掘食草根其處成泥名曰麋酸傍此種稻不

耕而獲其利百倍 見後漢郡國志

南中久旱卽以長繩繫虎頭骨投有龍處入水卽數人牽制不定俄頃雲起潭中雨亦隨降龍虎敵也雖枯骨猶能激動 見韋絢賓客嘉話 按李綽尚書故實云徐州石潭與泗水通投虎頭潭中可致雷雨

象能耕 舜葬蒼梧下有羣象耕田禹葬會稽祠下亦有羣象耕田 均見帝王世紀

鹿能耕 高啟詩老鹿耕田馴似牛

江豚見雖極晴亦風 杜詩江豚吹浪夜還風

農候雜占四

獸

七

有客詣董仲舒談論微奧仲舒疑之客又云天欲雨仲舒戲之曰巢居知風穴居知雨卿非狐狸卽是老鼠客化爲老狸而去 見劉義慶幽明錄

魚占

魚兒秤水面水來沒高岍 見玉芝堂談薈歲時雜占

凡魚躍離水面謂之秤水主水漲高多少則離水多少

見農政全書

凡鯉鯽等魚在四五月間暴漲時必散子散不盡水未止

盛散則水勢必定 同上

車溝內魚來攻水逆上得鮎主晴得鯉主水諺云鮎乾鯉

溼又云鯽魚主水鱧魚主晴 同上

黑鯉魚脊翼長接其尾主旱 同上

農候雜占四

魚

七

開元初石鯨吼歲大熟 見朝野僉載

夏初食鯽魚脊骨有曲主水 見田家雜占

漁者網得死鰕謂之水惡其魚著網卽死也口開主水立

至易過閉則來遲水旱無定 同上

蝦籠中張得鱒魚主水 同上

夏至前田內曬死小魚主水口開卽至易過閉則反是

同上

獺窟近水主旱登岸主水有驗 見農政全書

海鷁風伯使白袋雨師奴 異魚圖贊補引雨航雜錄海

鵠魚亦文鵠類也形如鵠有肉翅能飛石頭齒如石板
出主風又白袋魚似牛而白自海入江則兆水患

廬陵異物志開寶四年黔南上言江心有石魚見 按古
記云廣德元年二月大水退石魚見部民相傳以爲豐
年之兆

關中有金魚神相傳周平王時十旬不雨遣祭天神金魚
躍出而雨降 見述異記

粵西桂林府安龍蟠山潭中有龍盤魚四足有角丹腹修
尾狀似守宮能致風雨 見酉陽雜俎

農候雜占四

魚

支

新瀧等州山田揀荒平處開爲畦伺春雨邱中滿貯水買
魚子散於田內一二年後魚長大食草根並盡旣爲熟
田又收魚利及種稻且無稗草 見嶺表錄異

淮南子云天之雨也陰暄未集而魚已噉矣注魚潛居知
雨

龍占

鱗蟲三百六十龍爲之長能幽能明能小能大能短能長
春分而登天秋分而入淵 見說文

龍能變水 東園叢說天將雨必先蒸溼雲氣騰結而後
降雨又龍見而雨必旋至以雨主於龍乎則何待于蒸
鬱而後作雨也又有薄雲而能作雨者且龍所取江河
之水曾幾何而竟爲泛溢懷襄之患何哉蓋雲之爲氣
水實存焉水無以自見可以爲霖霖而不可致霽霽龍
乃以一勺之水變之則雲俱水也雲從龍假龍之力以
農候雜占四 龍 九

致之也

立夏分龍之說到處有之蓋龍于是時始分界行雨各有
區域故有咫尺之間晴雨頓殊者龍爲之也 見謝肇

澗五雜俎

五月二十六日雨爲分龍雨惟閩俗以夏至後雨爲分龍
雨 見月令廣義

田家五行志云凡見黑龍主無雨縱有亦不多白龍下雨
必到諺云黑龍護世界白龍壞世界又龍陣雨始自何
一路只多行此路無處絕無諺云龍行熟路又龍下頻

主旱又諺云龍多乃旱

交州水淵有神龍每旱州人以蒞草置淵上流魚則多死
龍怒卽時大雨 見水經注

四月二十日小分龍晴分懶龍主旱雨分健龍主雨 見

田家五行志

五月十三日爲龍生日當有風雨 同上

五月二十分龍次日有雨則歲豐無雨則旱 同上云五

月二十爲大分龍日引兩浙諺云云

二十分龍廿一雨破車閣在弄堂裏二十分龍廿一鬮拔

農候雜占四

龍

三

到黃秧便種豆 農政全書引諺云云 又杭州諺云

二十分龍二十雨四十九日曬龍衣二十分龍廿一雨

車兒閣在衙堂裏

鎖龍門 分龍日無雨而有雷謂之鎖龍門 見田家五

行志

六月六下雨龍袍反曬四十天 此揚州諺

六月初八西北風驚動海中龍 見陶朱公書

立夏清風至而龍昇天 見易通卦驗

龍舉而景雲屬 見淮南子上句虎嘯而谷風至

介占

夏至日蠲上岸夏至後水到岸 見農政全書

狔將風則踊鼃欲雨則鳴故里俗以鼃讖雨 見埤雅

月望則蚌蛤實羣陰盈月晦則蚌蛤虛羣陰虧 按吳都

賦蚌蛤珠胎與月虧全又唐書李敬貞取明水於秋中

用蚌蛤一尺二寸者依法試之自人定至夜半得水四

五升

蠶探頭可占晴雨諺云南望晴北望雨 見農政全書

朱蠶浮於波上必有大雨 見淮南子又云黑螟神虬潛

農候雜占四

介

廿

泉而居將雨則躍

羅浮山有龜淵淵有神龜龜鼻貫銅環若有人穢此淵便

卽澍雨 見羅浮山記

蝦荒蠨亂 一合璧事類別集亂作兵 按吳俗有此語謂

其披堅執銳歲或暴至有兵象也又按平江紀事大德

丁未吳中蠨厄如蝗平田皆滿稻穀食盡故吳諺云云

夏至日蠲土氣夏至後水到岸 見農政全書

夏至日蠲土氣夏至後水到岸 見農政全書

雜蟲占

上晝叫上鄉熟下晝叫下鄉熟終日叫上下齊熟

通考上巳日聽蛙聲占水旱上下鄉即高低田也引諺

如此按南越筆記首句有田雞二字叫字均作鳴

田雞叫得啞低田好稻把田雞叫得響田內好蕩漿

芝堂談薈引歲時雜占即唐人詩所謂田家無五行水

旱小蛙聲是也

蟻封戶穴大雨將集見焦氏易林

天將雨螻蟻徙見論衡按民間占雨有蟻搬家之謠

農候雜占四

蟲

三

則其來亦古矣

齊桓公伐孤竹山中無水隰朋曰蟻冬居歲陽夏居歲陰

蟻壤土寸而有水乃掘之遂得水見韓子

蜻蜓高穀子焦蜻蜓低一壩泥玉芝堂談薈引諺

水蛇蟠在蘆青高處主水高若干漲若干回頭望下水即

至望上稍緩至見農政全書

越裳國出百樂蛇每至春日融和則出鳴草中作絲竹金

石之聲人聞其聲大喜謂年必豐蓋瑞蛇也見蛇譜

水蛇及白鰻入蝦籠中皆主大風水同上

富貴蛇色黃而青穴人家倉囤下米粟必多倍於所入其
家大發 見同上

春暮暴暖屋木中出飛蟻主風雨平地中蟻陣作亦然
見農政全書亦見田家五行

秦華山有蛇名肥遺六足四翼見則天下大旱 見山海
經

田角小螺兒名曰鬼螭浮於水面主有風雨 見農政全
書

杜恰叫三通不用問家公 同上言石蛤蝦蟆之屬叫得
農候雜占四 蟲

響亮成通主晴引諺云云

蚱蜢蜻蜓黃蚩等蟲在小滿以前生者主水 同上

冤苦冤苦我是蠍虎似恁昏昏怎得甘雨 墨客揮犀卷

三熙甯中京師久旱古法令坊巷各以大瓮貯水插柳

枝泛蜥蜴使青衣小兒環繞呼曰蜥蜴蜥蜴興雲吐霧

降雨滂沱放汝歸去開封府准堂劄責坊巷寺觀祈雨

甚急而不能多得蜥蜴每代以蠍虎蠍虎入水卽死故

京師小兒語云云 按七脩類稿亦云禱雨用蜥蜴廣

捕無獲多以壁虎代之民諺云壁虎壁虎你好喫苦想

壁虎卽蠍虎耳

黃梅時內蝦蟆尿曲主雨大曲大雨小曲小雨 見農政

全書

蚯蚓俗名曲蟾朝出晡暮出雨 同上

地龍鳴來日晴 此閩諺地龍蚓也

久雨之後忽蚯蚓長鳴主晴諺云蚯蚓唱歌有雨不多

大同上

蜻蛉鳴衣裳成蟋蟀鳴嬾婦驚 見四民月令 按古音

錄引通卦驗注蛤作蜓又古今諺蛤作蚓又文錄引詩

農候雜占四

蟲

三

疏蟋蟀作絡緯又按毛詩草木蟲魚疏僅載趣織鳴嬾

婦驚二句然不及此條完備故兼錄之

六月無蠅新舊相登 見羣芳譜言米價平也

螢入榻主水發 通行諺

蜘蛛蟬叫稻生芒 見吳下田家志方言

天牛黑甲蟲也長安夏中此蟲出於籬壁間天必雨 見

酉陽雜俎

郭璞曰蠨飛磴則天風春則天雨言蠨蠨旋飛如磴則風

至一上一下如春則雨至矣

蟠知雨至世謂之猥狗如天雨則豫於草木橋下乾處藏其身矣 見淮南子

石尤江中蟲名出必惡風舟人目打頭風曰石尤風嶺南人曰颶風黃河人曰孟婆也 見楊慎外集

貞觀中終南縣蝗損禾太宗至苑中取蝗數枚而咒之曰百姓有過在余一人爾其有靈但當毒我無害生靈將吞之侍臣恐致疾遽諫止太宗曰所冀移災朕躬何疾之避遂吞之是歲蝗不爲災 見唐書

蝦蟆羣聚從天請雨 見焦氏易林

農候雜占四

蟲

美

蝸池鳴呵生我水潦雲雨大會流成河海 同上

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

蝸池鳴呵生我水潦雲雨大會流成河海

田家宜忌

田祖卽神農氏甲寅日死

田主乙巳日死

田父丁亥日死

田母丙戌日死

田夫丁亥日死

后稷癸日死

以上各日並忌開田播種

種麥吉日

庚午

辛卯

辛巳

庚戌

庚子

辛丑

農候雜占四

田家宜忌

三

種菜吉日

庚寅

辛卯

壬戌

戊寅

種瓜吉日

甲子

己丑

庚子

壬寅

乙卯

辛巳

種麻豆吉日

甲子

乙丑

壬申

丙子

戊寅

壬

午 壬寅

禪師惠言嘗言上元一夕晴麻小熟兩夕晴麻中熟三夕

晴麻大熟若陰雨麻不登占亦如此云絕有驗

買牛吉日

丙寅

丁卯

庚午

甲申

丁酉

戊戌

庚戌

戊午

又正月寅戊戌日

六月申卯未日

穿牛吉日

己丑

戊辰

辛未

甲戌

乙亥 乙酉

辛巳 戊子 乙巳 乙卯 戊午 己未

教牛吉日 庚午 壬午 甲午 辛亥 壬子 甲寅

發牛吉日 驚蟄後五子日 甲丙戊三寅日 丁癸二

卯日 己辛二未日 乙丁己癸四酉日 乙癸二亥

日

立春日占

舊名東方朔探春訣

甲子日立春高鄉熟 丙子日立

春同上 戊子日立春同上 庚子日立春低鄉熟高

鄉不熟 壬子日立春高低並熟 乙丑日立春低鄉

熟 丁丑日立春低鄉熟高鄉豆好 己丑日立春低

農候雜占四

田家宜忌

五

鄉熟 辛丑日立春高低並熟 癸丑日立春同上

丙寅日立春同上 戊寅日立春低田熟 庚寅日立

春高低並熟 壬寅日立春同上 甲寅日立春低鄉

熟 丁卯日立春高低並熟 己卯日立春低鄉大熟

高鄉不熟 辛卯日立春高鄉熟 癸卯日立春同上

乙卯日立春低鄉熟 戊辰日立春高低並熟 庚

辰日立春高低大熟 壬辰日立春高低好施工 甲

辰日立春高低並熟 丙辰日立春低鄉熟 己巳日

立春低鄉熟高處旱 辛巳日立春高鄉熟 癸巳日

立春同上 乙巳日立春同上 丁巳日立春低鄉熟

庚午日立春高鄉熟 壬午日立春高低並熟 甲

午日立春同上 丙午日立春低鄉大熟 戊午日立

春低鄉熟 辛未日立春高鄉小熟 癸未日立春高

低並熟 乙未日立春低鄉熟 丁未日立春高低大

熟 己未日立春高低並熟 壬申日立春高鄉大熟

甲申日立春高鄉熟 丙申日立春低鄉熟 戊申

日立春高低並熟 庚申日立春低鄉熟 癸酉日立

春高低并熟 乙酉日立春低鄉熟 丁酉日立春高

農候雜占四

田家宜忌

无

低並熟 己酉日立春高低大熟 辛酉日立春低鄉

熟 壬戌日立春同上 戊戌日立春高低大熟 庚

戌日立春高鄉熟 甲戌日立春同上 乙亥日立春

同上 丁亥日立春同上 己亥日立春同上 辛亥

日立春同上 癸亥日立春高低並熟 日立春高

以上並見田家五行節錄如右 癸未日立春高

積十五暨十六一畝田穩穩足 碧里雜存畝法古今不

同漢書鹽鐵議曰古以百步為畝漢高帝以二百四十

步為畝今俗語云云蓋以十五乘十六正是二百四十

若古之百步以今弓準之則一畝當今四分強耳

稻初發時用攬鉆于稈行中搜鬆其根則旺攬所遺根則

根生向下五六日後耘去稗草再五六日又耘一次諺

云一粥一飯餓不殺一耘一攬荒不殺見陶朱公書

燒田吉日

己未

燒田凶日

火隔此日亦忌燒山炭

壅田吉日

農候雜占四

田家宜忌

辛

用火為吉如丙寅丁卯甲戌乙亥之類

壅田忌土鬼有九日

癸巳 甲午 乙酉 辛丑 壬寅 己酉 庚戌 丁

巳 戊午

浸穀種吉日

甲戌 乙亥 壬午 乙酉 壬辰 乙卯 辰未 公書

下秧吉日

辛未 癸酉 壬午 癸未 甲午 甲辰 乙巳 丙

午 丁未 戊申 己酉 乙卯 辛酉 己亥 乙未

種五穀總忌

丁亥

種麥吉日

庚午 辛未 辛巳 庚戌 庚子 辛卯

八月三卯日種麥為上

種麥忌日 豆 煮土 又六月九日為忌

十二月丁日

種粟吉日

丁巳 己卯 乙卯 己未 辛卯

農候雜占四

田家宜忌

壬

三月三卯日種粟為上

種豆吉日

甲子 乙丑 壬申 丙子 戊寅 壬午 壬寅

六月三卯日種豆為上又六月戌日為忌

種黍吉日

戊戌 己亥 庚子 庚申 壬申

種蕎麥吉日

甲子 壬申 辛巳 壬午 癸未

種麻吉日

己亥 戊申 壬申 甲申 辛亥 庚申
正月三卯日種麻爲上

礮變忌日

年月執破二辰

礮變坐向忌方

年月執破二方

穀米入倉吉日

庚午 甲戌 乙亥 丙子 己卯 辛巳 壬子 癸

未 己酉 戊子 己丑 庚寅 乙未 壬寅 癸卯

農候雜占四

田家宜忌

三

甲辰 乙酉 丙辰 癸亥

典田買田佃田吉日

開滿成收及黃道日

典田買田佃田凶日

戊己及赤口日 見同上

蠶桑宜忌

蠶為龍精

見秦觀蠶書

元日值己多風雨蠶傷見月令廣義主蠶大吉舊唐書

正月九日主蠶此日晴暖則滋生杭民亦多候之三日刻

立春無風民安蠶麥十倍見臞仙神隱

正月半作白粥泛膏于上以祭神令蠶桑百倍見荆楚

歲時記 按以酒脯及豆粥插箸而祭之其夕迎紫姑

以下將來蠶桑義同

正月有三子則葉少蠶多無三子則葉多蠶少見談薈

農候雜占四

蠶桑宜忌

三

引周益公日記

正月上甲風從東方來宜蠶見史天官書

二月內虹見在西主蠶貴上句云在東主米貴見陶朱

公書

三月三日晴桑上掛銀瓶三月三日雨桑葉生苔痕談

薈作三月三日雨桑葉無人取又月令廣義云三日陰

雨主年豐晴主旱而桑貴陰不見日主蠶大吉引諺云

云按種樹書云常以三月三日雨卜桑葉之貴賤諺

云雨打石頭偏桑葉三錢片或曰四日尤甚故杭人云

三日猶可四日殺我又按歲時雜占引諺云雨打石頭
班桑葉錢價難雨在石上流桑葉好喂牛卽三月三日
占也又按三月三日天陰是日不雨蠶大熟 又見五
行志

清明喜晴惡雨是日午前晴宜早蠶午後晴宜晚蠶 見
農政全書 按立夏夜雨損蠶

古詩云枯桑知天風下句云海水知天寒

臘月栽桑桑不知 便民纂要十二月掘坑深濶各二尺
桑根埋下與地平次日築實其桑倍榮故諺云云

農候雜占四

蠶桑宜忌

三

仙人難斷葉價 湖之畜蠶者多自栽桑不則豫租別姓

之桑俗曰秒桑凡蠶一斤用葉百六十斤秒者先期約

用銀四錢旣收而償者約用五錢再加雜費五分蠶佳

者用二十日辛苦收絲可收銀一兩餘爲棉爲線矢可

糞田皆資民家切用此農桑爲國之根本民之命脈也

湖郡在在有之德清尤多本地葉不足又販于桐鄉洞

庭價隨時高下倏忽懸絕故諺云云惟自栽與秒最爲

穩當不則謂之看空頭蠶有天幸者往往趣之 見湧

幢小品 按羣芳譜葉價作桑價

舍北種榆九株蠶大得 見雜五行書

五月取桑椹濯以水取子陰乾每肥田一畝荒久者善耕
之以黍及椹子各三升三合和種之黍桑俱出鋤令疏
密調適黍熟獲之桑生正與黍平以利鎌刈之曝燥並
火燒之桑至春生一畝食三箔蠶 見汜勝之書

蜀人以二月望鬻蠶器于市因作樂縱觀謂之蠶市 見

統略 按成都記三月三日遠近祈福于龍橋命曰蠶

市

扶桑葉似桐初生如筍人競食之實如梨而赤續其皮為

農候雜占四

蠶桑宜忌

三五

布為棉亦為紙 見談苑

浴蠶吉日 甲子 丁卯 庚午 壬午 戊午

出蠶吉日 甲子 庚午蠶父生日 癸酉 壬午 乙酉

甲午 乙未 癸卯 乙巳 丙午 丁未 戊申

甲寅 戊午

繅蠶吉日 子 寅 午 申 酉 亥及成收開日

庚戌為蠶姑死日應避之

陶朱公書云浙之嘉湖南潯等處徧地植桑吳郡亦然二

月撒子苗長尺許糞壅冬月燒去其梢以草蓋之春發

先資政公著書最富行世者已不下六十種其待刻者尚多恭筮仕浙省需次多暇蒐羅遺稿纂輯成編思欲畢

先人之志舉付梓人而寇擾以來已刻板片半歸劫灰心滋痛焉又以多年浮沈羈宦枵如之藁何以勝茲因循者久之比提調書局棗梨丹墨日所講求勉竭心力先以農候雜占四卷付刊此書於古今占驗之說凡有涉農候者無不采錄而東南蠶桑利甲天下亦附後焉問兩課率時興作其亦幽風流火授衣之意乎先以此稿本就正同年俞蔭甫學使輒謂有用之書寵之以序勸付手民以公

農候雜占

跋

一

同好因勉副其意爲之非惟繼先志亦以重民事也遺編具在他日次第舉行此書其嚆矢矣天以地滋本於五同同治癸酉秋七月中澣梁恭辰敬識於知足知不足齋

入之此其書最富行世者已不下六十種其待刻者尚多恭筮仕浙省需次多暇蒐羅遺稿纂輯成編思欲畢先人之志舉付梓人而寇擾以來已刻板片半歸劫灰心滋痛焉又以多年浮沈羈宦枵如之藁何以勝茲因循者久之比提調書局棗梨丹墨日所講求勉竭心力先以農候雜占四卷付刊此書於古今占驗之說凡有涉農候者無不采錄而東南蠶桑利甲天下亦附後焉問兩課率時興作其亦幽風流火授衣之意乎先以此稿本就正同年俞蔭甫學使輒謂有用之書寵之以序勸付手民以公農候雜占跋

